



SLUŽBENE NOVINE

KANTONA SARAJEVO

Godina XIX – Broj 29

Četvrtak, 24. juli 2014. godine
SARAJEVO

ISSN 1512-7052

KANTON SARAJEVO

Vlada Kantona

Na osnovu člana 22. i 24. stav (1) Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst i 38/13) i člana 163. alineja 24. Zakona o socijalnoj zaštiti, zaštiti civilnih žrtava rata i zaštite porodice sa djecom ("Službene novine Kantona Sarajevo", broj 16/02, 8/03, 2/06, 21/06, 17/10, 26/12, 15/13 i 18/14), Vlada Kantona Sarajevo, na 73. sjednici održanoj 17.07.2014. godine, donijela je

UREDBU

O DODJELI NOVČANOG IZNOSA NAMIJENJENOG ZA LIČNE POTREBE LICA KOJA SU SMJEŠTENA U USTANOVE SOCIJALNE ZAŠTITE

Član 1.

(Osnovna odredba)

Ovom uredbom se utvrđuju lica kojima se na ime ličnih potreba dodjeljuje novčani iznos namijenjen za lične potrebe, visina ovog iznosa, definicija ličnih potreba, način njegove dodjele, obaveza ustanova socijalne zaštite, praćenje realizacije dodjele ovog novčanog iznosa i druga pitanja bitna za regulisanje istog.

Član 2.

(Lica kojima se dodjeljuje novčani iznos i visina ovog iznosa)

Licima koja su rješenjem Javne ustanove "Kantonalni centar za socijalni rad" (u daljem tekstu: Kantonalni centar) smještena u ustanovu socijalne zaštite (u daljem tekstu: ustanova) i kojima Kantonalni centar u potpunosti ili djelimično snosi troškove smještaja u ustanovu, dodjeljuje se mjesečno na ime ličnih potreba novčani iznos od 30,00 KM (u daljem tekstu: džeparac).

Član 3.

(Definicija ličnih potreba)

Pod ličnim potrebama, u smislu ove uredbe, smatraju se lične potrebe kao što su kupovina soka, čokolade, kafe, dnevnih novina i drugih sličnih potreba.

Član 4.

(Način dodjele)

Dodjeljivanje džeparca licima iz člana 2. ove uredbe utvrđivat će se rješenjem kojim ova lica ostvaruju pravo na smještaj u ustanovu.

Član 5.

(Obaveze Kantonalnog centra i ustanova)

- (1) Kantonalni centar će sa ustanovama u koje se smještaju lica iz člana 2. ove uredbe zaključiti poseban ugovor kojim će se urediti način isplate džeparca.
- (2) Ugovorom iz stava (1) ovog člana će se posebno utvrditi obaveza ustanova da Kantonalnom centru dostavljaju tromjesečne izvještaje o isplati džeparca licima iz člana 2. ove uredbe, sa potpisom ovih lica ili potpisom staratelja odnosno posebnog staratelja postavljenog za ovu namjenu.
- (3) Kopiju ugovora iz stava (1) ovog člana Kantonalni centar dostavlja Ministarstvu za rad, socijalnu politiku, raseljena lica i izbjeglice Kantona Sarajevo.

Član 6.

(Prelazna odredba)

- (1) Za lica iz člana 2. ove uredbe koja su rješenjem već smještena u ustanove, Kantonalni centar će u roku od 60 dana od dana stupanja na snagu ove uredbe izmijeniti rješenja u dijelu koji se odnosi na džeparac.
- (2) Kantonalni centar će sa ustanovama u roku od 60 dana od dana stupanja na snagu ove uredbe, zaključiti ugovor iz člana 5. ove uredbe.

Član 7.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-21434-8/14

17. jula 2014. godine
Sarajevo

Vršilac funkcije premijera
Muhamed Kozadra, s. r.

Na osnovu člana 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst i 38/13), Vlada Kantona Sarajevo, na 73. sjednici održanoj 18.07.2014. godine, donijela je sljedeći

ZAKLJUČAK

O UNOSU TRANSFERA U BUDŽET KANTONA SARAJEVO ZA 2014. GODINU

1. Odobrava se unos sredstava (primljeni transfer 732116) u Budžet Kantona Sarajevo za 2014. godinu u iznosu od 1.500 KM koja su Prvoj bošnjačkoj gimnaziji - 21030007 dodijeljena od strane Općine Stari Grad za projekat učenika